


Մաշտոցի Արձագանգ

Հայաստանեաց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Հաւատք | Կրօն | Եկեղեցի | Լեզու | Մշակոյթ



Շնորհաւոր Նոր Տարի և Սուրբ Ծննդունի

Յունուար 2007
ԺԴ տարի- թիւ 5

Քրիստոս ծնաւ եւ յայտնեցաւ
Զեզի մեզի մեծ աւետիս

Կամքը մարդկային կեանքի յատուկ այն արտայատութիւնն է որուն շնորհիւ դրդապատճառէ մը մղուած ցանկալի նպատակ մը իսկական ու շարժուն գործողութեան կը վերածուի : Խմբագրական էջ 3

Եթէ առաջին ուխտը անթերի ըլլար, երկրորդ մը պէտք պիտի չըլլար: Ասէ Աստուած էջ 9

Հաղորդութեան ճաշակումով, հաւատացեալը Քրիստոսի ներկայութիւնը կ'ընդունի իր ներսիդին: Խորհուրդին մասին կարդա՝ էջ 6-7

Յովհաննէս Մկրտիչ Քրիստոսի գալուստը նախապատրաստող դէմքը եղաւ ու այդ լուսաւորութեան գործը սկսած ըլլալու համար կոչուեցաւ Կարապետ: Յունուար ամսուան տօնացոյցը տես էջ 4

Սուրբ Ծննդուի Տօնակատարութիւն
Կիրակօնօրեայ Դպրոցէն ներս:
Տեղեկատուականը կարդա՝ էջ 10-11-12

Աստուածայալտնութիւն. Յիսուսի ծնունդով
Աստուած կը յայտնուի մարդկութեան: Հաջկական
Ծննդի մասին տես էջ 5

«Մաշտոցի Արձագանգ»

Հայաստանեալց Եկեղեցւու
Սուրբ Յակոբ Կիրակնօրեայ Դպրոցի
ամսաթերթ

Խմբագիր՝
Ծաղիկ Թորիկեան Պոյամեան

ՄԱՇՏՈՑԻ ԱՐՁԱԳԱՆԳ.ի ներկայ եւ
նախկին թիւերը կը գտնուին նաեւ
համացանցի վրայ։ Այցելեցէ՞ք
www.sourphagop.org հասցեն եւ
ընտրեցէ՞ք Պարբերաթերթ բաժանումը


Հայաստանեալց Եկեղեցւու
Սուրբ Յակոբ Կիրակնօրեայ Դպրոցի
կամաւոր խմբակը

Ուսուցիչներ՝
Վերժին Գիւղթանձեան
Վերա Թորոսեան
Թամար Գիզիրեան
Երան Լոշխանձեան
Յասմիկ Նաճարեան
Գարող Մանուկեան
Փոլ Գիզիրեան
Շողիկ Նաճարեան
Աշխեն Իշխանձեան
Յասմիկ Գանաձեան

Լուսանկարիչ՝
Նիկոլ Դանիելեան

Տնօրին՝
Թորոս Պապիկեան

Այս թիւով . . .



| | |
|--|-------------|
| Կամքի շնորհիւ | Էջ 3 |
| Մկրտիչ, Կարապե՞տ թէ մեծ մարգարէ | Էջ 4 |
| Հայկական Ծնունդի մասին..... | Էջ 5 |
| Եկեղեցական խորհուրդներէն՝ Հաղորդութիւն | Էջ 6-7 |
| Սուրբ Վահագն Գողթնացի | Էջ 8 |
| Ասէ Աստուած..... | Էջ 9 |
| Սուրբ Ծնունդի տօնակատարութիւն Կիրակնօրեայ Դպրոցէն ներս | Էջ 10-11-12 |
| Ծնունդի գիշեր..... | Էջ 13 |
| Աստուածաշունչը մանուկներու համար | Էջ 14-17 |
| Եղակի գիրեր | Էջ 14 |
| Ո՞րն է ճիշդ պատասխանը | Էջ 19-23 |
| Կարճ լուրեր կիրակնօրեայէն..... | Էջ 24 |

Խմբագրական

Կամքի շնորհիւ

Նոր տարուան սկիզբը մարդոց մօտ կարծես կը յառաջացնէ նորոգուելու հաստատ տրամադրութիւն, նոր ձեռնարկումներու դիմելու, իրենց կեանքին կամ ապրելակերպին մէջ նորութիւններ մտցնելու, մէկ խօսքով նոր եռանդով ու տրամադրութեամբ սկսող Տարին դիմաւորելու:

Մարդոց այսպիսով նորոգուած ծրագիրները իրենց բնոյթներով անհամար ու տեսակաւոր են: Փոքր ու համեստ յուսադրումներէ մինչեւ մեծամոլ ու անիրականանալի ցանկութիւններու կարելի է հանդիպիլ: Ամէն մէկս կը ցանկայ տարբեր ձեւով նորոգուիլ: Սակայն ինչ որ ալ ըլլայ մարդուս ծրագիրը, ան կը կարօտի մարդ արարածին տնօրինութեան յանձնուած յատուկ կարողութեան մը, որուն շնորհիւ նորոգուելու ցանկութիւնը զուտ փափաքի վիճակէն անցնելով պիտի վերածուի գործօն արարի: Այս կարողութիւնը կամքն է:

Կամքը մարդկային կեանքի յատուկ այն արտայայտութիւնն է որուն շնորհիւ դրդապատճառէ մը մղուած ցանկալի նպատակ մը իսկական ու շարժուն գործողութեան կը վերածուի: Այսինքն մարդը ոչ միայն կը մտածէ, կը բաղձայ, կ'երազէ այլեւ աւելին կը ձգտի, կ'աշխատի ու կը գործադրէ իր փափաքը: Ան կը կշռադատէ ապա որոշում կ'առնէ ու գործի կ'անցնի:

Կամքը մարդկային կեանքէն ներս առաջնահերթ դեր խաղող յատկութիւն մըն է: Ամէն մարդ կամքի տէր չէ անպայման իսկ եղողներն ալ հաւասարապէս օգրաւոր կամք կրնան չունենալ: Սակայն ինչ որ ալ ըլլան կամքի յատկութիւններն ու ուժգնութիւնը, ան ինքն իր վրայ իշխելու կարողութիւն

կ'արտայայտէ. կարողութիւն ցանկալի կացութեան մը հասնելու համար նիւթեղէն թէ հոգեկան կարգի խոշընդուներ յաղթահարելու, իսկ ոչ ցանկալի, խուսափելի կամ վտանգաւոր կացութենէ մը հեռանալու համար ինքն իր վրայ իշխելու ու բնազդին դէմ դնելով ինքզինք փրկելու:

Նոր տարին հոգեպէս նորոգուելու լաւագոյն առիթ մըն է եւս: Ներելու, սիրելու, ընդունելու. առաքինի եւ հաւատաւոր կեանք մը ապրելու որոշում առնելու աննման առիթ մը: Սակայն այս բոլորին համար կամք պէտք է: Պէտք է որոշել որ հոգեկան վերածնունդը ամրատեշտութիւն մըն է: Ապա, տեսականէն անցնիլ գործէականին, առաքինի ըլլալ փափաքելէ անդին առաքինի կեանք ապրիլ, բարի գործ տեսնելով, համեստ ըլլալով, ժուտկալ մնալով, մեր հակառակորդներուն ներելով ու մեր շրջապատը սիրելով: Կամքի տէր ըլլալ իշխելու համար մեր նախնական ցանկութիւններուն վրայ ու դիրին լուծումները թողելով նայիլ աւելի օգտաշատին:

Թող այս նոր տարին երթի մը սկիզբը ըլլայ մեր բոլորին համար, հոգեպէս նորոգուելու ու մեր կամքի օրութեան շնորհիւ նմանելու, որքան որ մարդկայնօրէն կարելի է, Քրիստոսի՝ իսկ նորոգեալ ու բարձրագոյն օրինակին. անձնականէն զեղչելով դառնալու դէպի ուրիշը, անհատականէն մեկնելով բացուելու դէպի հաւաքականին:

**ԾԱՌՀԱԿՈՐ ՆՈՐ ՏԱՐԻ
ԵՒ ՍՈՒՐԲ ԾՆՈՒՆԴ**



Յունուար ամսուան տօնացոյց

- Յունուար 1: Տարեմուտ եւ Կաղանդ
 Յունուար 5: Շրագալոյց Սուրբ Ծննդեան, Խթում
 Յունուար 6: Սուրբ Ծնունդ
 Յունուար 7: Յիշատակ մեռելոց
 Յունուար 13: Անուանակոչութիւն Յիսուս Քրիստոսի
 Յունուար 15: Ծնունդ Սուրբ Յովհաննու Կարապետի
 Յունուար 18: Սուրբ Անտոն ճգնաւոր
 Յունուար 23: Սուրբ Վահան Գողթնացի
 Յունուար 27: Սուրբ Գրիգոր աստուածաբան

Մկրտիչ, Կարապետ, թէ Մեծ Մարգարէ



Jacopo Carrucci
(1494-1557)

*La naissance de
Jean Baptiste*

Galerie des offices,
Florence

Այս երեք կոչումներն ալ կը վերաբերին Աստուածաշունչի մեծագոյն դէմքերէն Յովհաննէս Մկրտիչին, որուն ծննդեան աւետիսը բերաւ Գարբիէլ հրեշտակը, Քրիստոսի ծնունդի աւետումէն իսկ առաջ: Ան զաւակը պիտի ըլլար Եղիսաբէթի եւ Զաքարիայի: Իր յառաջացած տարիքի բերմամբ, Զաքարիա կասկած արտայայտեց Տիրոջ իրեն աւետած լուրին առջեւ: Առ ի հետեւանք իր կասկածներուն, ան համր դարձաւ ու այդպէս անխօս մնաց մինչեւ իր զաւին, Յովհաննէսի ծնունդը:

Յովհաննէս Մկրտիչ Քրիստոսի գալուստը նախապատրաստող դէմքը եղաւ ու այդ լուսաւորութեան գործը սկսած ըլլալու համար կոչուեցաւ Կարապետ: Ան հաւատացեալները մկրտեց ջուրով ու անոնց կարգին նաև Յիսուս ի՞նք: Մկրտութեան ընթացքին, երբ Յիսուս կ'ալօթէր, երկինքը բացուեցաւ եւ Սուրբ Հոգին տեսանելի կերպարանքով աղաւնիի պէս իշաւ անոր վրայ:

Քրիստոսի ծնունդն ու մկրտութիւնը մեր եկեղեցին ներս ծանօթ են «Աստուածայայտնութիւն» անունը կրող տօնախմբութեան տակ:

Հայկական Ծնունդ

Հայաստանեաց եկեղեցւոյ ամենէն հարազատ եւ սիրելի տաղաւարներէն է Սուրբ Ծնունդը, որ մտերմիկ ձեւով հայերուս կողմէ կը կոչուի նաեւ «Հայկական Ծնունդ»։ Ան Քրիստոսի կեանքին վերաբերող երկու դրուագներու յիշատակման օրն է որ կը կոչուի նաեւ Աստուածայայտնութիւն։ իրապէս ալ, Յիսուսի ծնունդով Աստուած յայտնուեցաւ մարդկութեան։

Հայկական Ծնունդի
տօնակատարութիւնները կը վերաբերին ուրեմն յատկապէս Յիսուս մանուկի Բեթեհէմի համեստ պայմաններու մէջ ծննդեան, ինչպէս նաեւ անոր մկրտութեան։ Այս երկրորդ իրողութեան հետևողութեամբ, մեր եկեղեցին ներս, Ծնունդի սուրբ պատարագէն անմիշապէս ետք կը կատարուի շրօրինէք առ ի յիշատակ Քրիստոսի Յորդանան գետին մէջ մկրտուած ըլալուն։

Հայկական ծնունդը կը յիշատակուի Յունուար 6-ին։ Այս օրը նախորդող օրը, Յունուար 5ը կը կոչուի խթման գիշեր ու ընտանեկան հաւաքոյթներու նուիրուած երեկոյ մըն է ուր կը կատարուի շքեղ ընտանեկան տօնախմբութիւն եւ ծննդեան ընթրիք։ Թէեւ տարիներու ընթացքին ու սփիտքեան ազդեցութեան տակ խթման երեկոն նուազ գրաւիչ ու կեդրոնական դարձած է, սակայն մեծ թիւով ընտանիքներ կը շարունակեն պահպանել ու յարատենել տիպար հայկական այս սովորութիւնը։

Խթումը կը կոչուի նաեւ ճրագալոյց որովհետեւ սովորութիւն է խթման պատարագի ընթացքին հաւատացեալներուն ձեռքը վառած մոմ տեսնել ու արարողութեան աւարտին այդ մոմերը տուն փոխադրելով Քրիստոսի ծննդեան աւետիսը հասցնել տուն եւս։



«Մեծ է եւ սքանչելի խորհուրդը որ ազօր յայտնուեցաւ։ նովիւներ հրեշտակներուն հետ կ'երգեն, աշխարհին աւետիս կու տան»։

«Նոր Արքայ մը ծնաւ Բեթղեհէմ քաղաքին մէջ։ մարդոց որդիներ, օրինեցէք որովհետեւ մեզի համար մարմնացաւ»։

«Արդարութեան արեգակ անսկիզբ Աստուած, որ Հօր անձառելի ծոցէն՝ Էութենէն ծագեցար, հրեշտակներուն հետ քեզ կը փառաբանենք մեր հայրերուն Աստուածը»։

Եկեղեցւոյ խորհուրդները

Մաշտոցի արձագանգի նախորդ թիւով մենք ծանօթացանք հապաստանեաց Եկեղեցւոյ երրորդ խորհուրդը նկատուող Ապաշխարութեան, որ գործօն կերպով կ'իրականանայ Խոստվանանքի միջոցաւ։ Յունուար ամսուան այս թիւով պիտի ներկայացնենք յաջորդ խորհուրդը, ամենէն կարեւորն ու կեդրոնականը՝ Հաղորդութիւնը։

Բառացիօրէն, հաղորդութիւն կը նշանակէ մասնակցութիւն, միացում, հաստատուող կապ։ Մեր Եկեղեցիէն ներս հաղորդութիւն կը կոչով Սուրբ Պատարագի ընթացքին հանդիպող այն պահը ուր հաւատացեալը կը միանայ Քրիստոսի, ճաշակելով բաղարջ հաց եւ անապական գինի, որոնք Սուրբ Հոգի գօրութեամբ գոյափոխուած կ'ըլլան Յիսուս Քրիստոսի մարմնին եւ արեան ըստ Յիսուսի հաստատումին։



Հաղորդութեան խորհուրդը հաստատած է Քրիստոս ինք, իր աշակերտներուն հետ ունեցած վերջին ընթրիքի ընթացքին։ Առա թէ ինչպէս, ըստ Մատթէոսի աւետարանին.-

« Եւ մինչ անոնք կ'ուտէին, Յիսուս հաց առաւ, օրինեց, կտրեց եւ բաժնեց աշակերտներուն, ըսելով։

- Առէք, կերէք, ասիկա իմ մարմինս է։

Ապա առաւ բաժակը, գոհութիւն յալտնեց Աստուծոյ եւ տուաւ իր աշակերտներուն, ըսելով։

- Բոլորդ խմեցէք ասկէ. ասիկա իմ արիւնս է, որով Աստուծոյ հետ նոր ուխտ կը կնքուի եւ որ շատերու համար կը թափուի իրենց մեղքերու թողութեան համար։»

Մատթէոս 26.26-28

Այս եղելութեան հետեւողութեամբ, Հաղորդութեան խորհուրդը կը կատարուի ամէն Պատարագի ընթացքին, սուրբ սեղանին վրայ, ուր Սկիհին մէջ դրուած հացն ու գինին Սուրբ Հոգի ներգործութեամբ կը վերածուին Քրիստոսի մարմնին եւ արեան, ու պատարագիչ քահանան, հաղորդութեան նշխարը բազմաթիւ մասերու կը բաժնէ ու կը բաշխէ հաւատացեալներուն զայն գինիին խառնելէ ետք։

Ինչպէ՞ս ստանալ հաղորդութիւնը

Հաղորդութիւն ստանալու համար հաւատացեալը պարտի ծոմ պահած ըլլալ: Խոստովանելէ ետք ան երկիւղածութեամբ կը վերադառնայ իր տեղը, խորհրդածելով Աստուծոյ այս շնորհին արժանանալու բարձր բարիքին մասին:

Եթե իր կարգը հասնի, հաղորդուողը նախ կը խաչակնքէ ապա «Մեղայ Աստուծոյ» կ'ըսէ ու կը ստանայ Սուրբ Հաղորդութիւն:

Իսկ ի՞նչ ընել հաղորդուելէ ետք

Ամենէն մեծ սխալը պիտի ըլլայ հաղորդուելէ ետք անմիջապէս դուրս գալ եկեղեցին ու հեռանալ: Ընդհակառակը, պէտք է վերադառնա եկեղեցւ մէջ իր տեղը եւ աղօթել, շնորհակալութիւն յայտնելով Աստուծոյ իր տուած թողութեան եւ շնորհին համար: Իսկապէս ալ եթէ ուշադրութեամբ հետեւինք Սուրբ Հաղորդութեան յաջորդող շարականներուն, կը նկատենք որ անոնք շնորհակալական եւ փառաբանական են:

«Լցաք ի բարութեանց քոց, Տէ՛ր, ճաշակելով զՄարմին քո եւ զԱրին: Փառք ի բարձուն կերակրողիդ զմնզ:»

« Լիացանք բարիքներովդ, Տէ՛ր, ճաշակելով Մարմինդ եւ Արին: Փա՛ռք բարձունքը գտնուողիդ եւ մեզի կերակրողիդ:

Դուն որ մշտապէս կը կերակրես մեզի, առաքէ՝ մեզի հոգեւոր քու օրհնութիւնդ: Փա՛ռք բարձունքը գտնուողիդ եւ մեզի կերակրողիդ:»

Հաղորդութեան ճաշակումով, հաւատացեալը Քրիստոսի ներկայութիւնը կ'ընդունի իր ներսիդին եւ կը սրբուի ու կը մաքրուի իր մեղքերէն, Սուրբ Հոգույն շնորհներովը կը զօրանայ եւ արժանի կը դառնայ երկնքի արքայութեան:



**Հայկական նշխարի կաղապար
Հայկական նշխարը միայն ջուր եւ ալիւր խառնելով պատարաստուած է:**

ԱՃ 2.5 «մատնաշափ կամ բժաշափ» տրամագիծ ունի ու անոր վրայի նաշխը կը ստացուի կլոր կաղապարուած խմորը այս պատկերի մէջ տեսնուող կնիքին վրայ ճնշելով:



Յիշատակութիւն Սուրբ Վահան Գողթնացիի Յունուար 23

Արաբական տիրապետութեան շրջանին, բազմաթիւ հայ իշխանները ու անոնց զաւակները գերի տարուեցան Դամասկոս հոն կրթուելու համար իսլամական հաւատքի մէջ ու արաբ դառնալու համար: Տարագրուող մանուկներու կարգին կը գտնուէր Գողթնի Խոսրով իշխանի որդին, չորս տարեկան Վահանը: Արաբները անոր անունը փոխելով զայն կոչեցին Վահապ:

Վահան, իր ուշիմութեան շնորհի արժանացաւ յատուկ խնամքի ու դարձաւ Օմար ամիրապետին նախարած արքունի պաշտօնեան:

Յովհան Օձնեցի կաթողիկոս իր Դամասկոս այցելութեան ընթացքին արտօնութիւն խնդրեց Օմար ամիրապետէն որ հայ տարագիր իշխանները վերադառնան հայրենիք ու յաջողեցաւ ձեռք ձգել այդպիսի արտօնութիւն: Վահան որ թէեւ իսլամ կրօնքին մէջ մեծած էր, իմացած էր թէ ինք հայ Իշխանի մը որդին էր: Հետեւաբար, ինք եւս փափաքեցաւ վերադառնալ Հայաստան, խոստանալով ամիրապետին վերադառնալ Դամասկոս իր հօրենական կալուածները ժառանգելէ ու հայրենի հողը տեսնելէ անմիջապէս ետք:

Վահան իր հայրենի գաւառը հասնելէ ետք տեղեկացաւ Օմար ամիրապետին մահուան մասին ու որոշեց մնալ Հայաստան ու վերագտնել իր քրիստոնեայ հաւատքը:

Վահանի քրիստոնեայ դառնալու լուրը երբ Դամասկոս հասաւ, օրուան ամիրապետը որոշեց ձերբակալել զայն ու դատել: Ու այսպիսով սկիզբ առաւ հալածանքի երկար շրջան մը ուր Վահան, թափառելով Հայաստանի զանազան կողմերը, ժամանակաւոր կերպով կ'ապաստանէր զանազան շրջաններու վանքերէն ներս ապա

կը ստիպուէր տեղափոխուիլ չվտանգելու համար տեղի վաճականներն ու բնակիչները: Այս թափառական վիճակի վերջին հանգրուանը հանդիսացաւ Սիփան լերան ստորոտը գտնուող Երաշխաւորաց վանքը, որուն մեծաւոր Հայր Արտավազդը պատսպարեց ու քաջալերեց զինք:

Գիտնալով հանդերձ թէ իսլամութենէն հրաժարող անձը մահուամբ կը պատժուէր, Վահան որոշեց ներկայանալ Հեղամ ամիրապետին, յայտնել անոր իր քրիստոնեայ հաւատքին հաւատարիմ մնալու փափաքը: Ամիրապետին մեծ խոստումները ապարդիւն մնացին ու Վահան մերժեց որեւէ ձեւով հրաժարիլ իր քրիստոնեայ հաւատքէն:

Վահան Գողթնացիի նահատակութիւնը այլ օրինակ մըն է հերոսական կեցուածքի մը ըստ որուն քրիստոնեայ հաւատացեալներ հաստատուն մնացած են իրենց հաւատքին հանդէպ ու մերժած ուրանալ զայն: Անոնց յիշատակը վառ կը մնայ միայն երբ իրենց նահատակութիւնը արժեւորենք մենք ենս կառչած մնալով մեր հաւատքին ու ապելով իբր Քրիստոսի սիրով ու հաւատքով շնորհուած հաւատքեալներ:

**Գողթն գաւառը կը գտնուի
Նախիջեւանի մէջ որ
ներկայիս Ատրապէյճանի
տիրապետութեան տակ է:
Անոր քաղաքներէն են
Տիգրանաւան եւ Ագուլիս :**

Ասէ Աստուած . . .

**Նոր եւ լաւագոյն ուխտի մը
Քահանայապետը**

Վերեւ ըսածներուս միտք բանին սա է,
որ մենք ունինք այնպիսի Քահանայապետ մը,
որ ամենազօր Աստուածոյ աթոռին աջ կողմը
նստած է, երկինքի մէջ, իբրեւ պաշտօնեալ՝
երկնաւոր Սրբարանին, այսինքն այն ճշմարիտ
խորանին՝ որ Տիրոջ ձեռքով կանգնուած է եւ
ո՞չ թէ մարդոց:

Արդարեւ, ոեւէ քահանայապետ զոհեր
եւ նուէրներ մատուցանելու համար կարգուած
է. ուստի Քրիստոս ինք ալ պէտք էր
մատուցանելիք մը ունենար: Եթէ երկրի վրայ
ըլլար՝ թէրեւ քահանայ իսկ չէր ըլլար,
որովհետեւ արդէն կային քահանաներ, որոնք
Աստուածոյ Օրէնքին համաձայն նուէրներ կը
մատուցանէին: Սակայն երկրաւոր
քահանաները երկնաւոր իրականութեանց
օրինակով եւ անոնց մօտաւոր նմանութեամբ
կը կատարէին պաշտամւնքը, ինպէս որ
Աստուած Մովսէսի հրահանգեց, երբ անհկա
վկայութեան խորանը պիտի շինէր. «Տե՛ն, -
ըստ Աստուած, - ամէն ինչ շինէ ճիշդ այն
օրինակով, որ քեզի ցոյց տուի լերան վրայ»: Մինչդեռ հիմա Յիսուս շատ աւելի գերազանց
քահանայութեան մը հասաւ քանի միջնորդը
եղաւ գերազանց ուխտի մը, որ իբրեւ օրէնք՝
շատ աւելի լաւ խոստումներու վրայ
հաստատուած է:



Ուխտին փոփոխութեան հոչակումը

Եթէ առաջին ուխտը անթերի
ըլլար, երկրորդ մը պէտք պիտի չըլլար: Բայց
Աստուած կը մեղադրէ իր ժողովուրդը, եւ
կ'ըսէ.-

«Ահասափկ կը մօտենամ օրերը, կ'ըսէ Տէրը, -
երբ նոր ուխտ մը պիտի կնքեմ
Խրայէլի ժողովուրդին եւ Յուդայի ժողովուրդին
հետ:

Ասիկա պիտի չըլլայ՝ այն Ուխտին պէս,
որ իրենց հայրերուն հետ կնքեցի այն օրը
երբ իրենց ձեռքէն բռնած՝
դուրս հանեցի Եգիպտոսէն.

որովհետեւ հաւատարիմ չմնացին իմ Ուխտին,
եւ ես երեսի վրայ թողուցի զիրենք», կ'ըսէ
Տէրը:

«Արդ, հետեւեալն է Ուխտը,
որ Խրայէլի հետ պիտի կնքեմ գալիք
օրերուն, -
կ'ըսէ Տէրը.-

իրենց միտքերուն մէջ պիտի դրոշմեմ իմ
օրէնքներս,
իրենց սիրտերուն վրայ պիտի գրեմ զանոնք.
ես իրենց Աստուածը պիտի ըլլամ,
ես իրենք՝ իմ ժողովուրդս:

Ա՛ ոեւէ մէկը պէտք պիտի չունենայ իր ընկերոց
սորվեցնելու,
ոեւէ մէկը պէտք պիտի չունենայ
իր եղբօրը բսելու՝ «Տէրը ճանշիր».
որովհետեւ փոքրէն մինչեւ մեծ՝
ամէնքն ալ զիս պիտի ճանշնան:
Ես պիտի քաւեմ իրենց անիրաւութիւնները,
ա՛ պիտի չշիշեմ
իրենց մեղքերն ու անօրէնութիւնները»:

Արդ, Նոր Ուխտի մը մասին խօսելով՝
այլեւս հինցած կը նկատէ առաջինը. իսկ ինչ
որ հինցած է ու ժամանակավրէա՝
կ'անհետանայ:

Երրայեցիներուն 8.1-13

Ամսուան աշխատակից յօդուածագիրը . . .

**Սուրբ Ծննդի տօնակատարութիւն
Հայաստանեաց Եկեղեցւոյ Սուրբ Յակոբ
Կիրակնօրեայ Դպրոցէն ներս**

Սոսի Գրիգորեան Դանիէլեան



Ինչպէս նախանցեալ տարիներուն, այս տարի եւս, Մոնթրէալի Հայաստանեաց Եկեղեցւոյ Սուրբ Յակոբ Կիրակնօրեայ Դպրոցը հրավիրած էր իր աշակերտներու ծնողներն ու բարեկամները ընթացիկ տարուան ամանորեան հանդէսին:

Հանդէսը տեղի ունեցաւ Կիրակի օր, 7 Յունուար 2007-ի առաւոտեան ժամը 11:30-ին, Սուրբ Յակոբ Վարժարանի Բասդրմանեան սրահէն ներս: Սրահը լեցուած էր Կիրակնօրեայ դպրոցի աշակերտներու ուրախութեան ձայնով. բոլորն ալ հագուած էին իրենց նախասիրած գեղեցիկ զգեստները ու անհամբեր կը սպասէին հանդէսի սկսելուն.... եւ Կաղանդ Պապուկի ժամանումին:

Հանդէսի բացման խօսքը արտասանեց Կիրակնօրեայ դպրոցի բարգաւաճման ի խնդիր անսակարկ աշխատանք տանող տնօրէն՝ Պրն. Թորոս Պապիկեան: Ան ներկաներուն բարի գալուստ մաղթելէ ետք, հակիրճ կերպով բաց չափազանց հասկնալի բառերով ու երեխաներու բոլոր խումբերուն համելի ոճով փոխանցեց Սուրբ Ծննդեան տօնակատարութեանց երկու

տարբեր որդեգրուած թուականներու ստեղծած շփոթին բացատրութիւնը: Ան աւելցուց նաեւ թէ Հայ Առաքելական եկեղեցին ինչո՞ւ շեղած չէ ու պահած Յունուար 6-ը իբրև Յիսուս Քրիստոսի Ծննդեան տօնակատարութեան օր: Տնօրէնը քաջալերեց բոլոր Եերկաներուն, որպէսզի այլ ընկերութիւններու մէջ ամենայն հանգստութեամբ կարողութիւն ունենան փոխանցելու այդ բացատրութիւնը: Պրճ. Պապիկեան, Սուրբ Ծնունդի տօնին զուգահեռ, նաեւ սքանչելի մէջբերումով մը շեշտեց հայ լեզուին ու հայ մնալու առաքինութիւններուն մասին. ան բաւարար շնկատեց սոսկ հայերէն խօսիլը, այլ կարեւորութեամբ աւելցուց հայերէն գրելու եւ հայերէն կարդալու անհրաժեշտութիւնը մեր առօրեայի որեւէ մէկ գործունեութեան կամ աշխատանքի ընթացքին:

Պրճ. Տնօրէնին խօսքէն անմիջապէս ետք, պատրաստուած Կիրակնօրեայ դպրոցի տարբեր կարգերու աշակերտներու կողմէ, ներկայացուեցաւ Յիսուսի Ծնունդի կենդանի պատկեր մը. նոյն պահուն, սոյն պատկերին հաղորդումը Կ'ընթերցուէր այլ խումբի աշակերտներու կողմէ: Երեխանները հիանալի կերպով յաջողեցան պատկերին խորհուրդն ու պատգամը փոխանցել:

Երեխաններուն ուրախութիւնը հասաւ իր գագաթնակէտին, երբ վերջապէս սրահէն ներս մտաւ իր մեծ տոպրակով, բոլորին շատ սիրելի Կաղանդ Պապուկը: Աշակերտներու եւ դաստիարակներու խանդավառ երգերն ու ծափերը ճեղքելով, Կաղանդ պապուկը բարձրացաւ բեմ: Ապա երեխաններ խումբերու բաժնուած հրաւիրուեցան բեմ, իրենց սորված երգերն ու արտասանութիւնները լսցուցին Կաղանդ Պապուկին. Երկվայրկեան մը տրամադրելով եւ արժեւորելով իւրաքանչիւր երեխայի ներկայութիւնը, Կաղանդ Պապուկը ծանօթացաւ բոլորին անխտիր. նույն ներու տոպրակը փոխանցեց դաստիարակներուն, փոխանցեց նաեւ իր բարեմաղթութիւնները, ու յաջորդ տարի դարձեալ հանդիպելու խոստումով, ան հրաժեշտ առաւ ու հեռացաւ սրահէն:



Կաղանդ Պապուկը ճամբելէ ետք, դաստիարակներու առաջնորդութեամբ, աշակերտութիւնը հաւաքուեցաւ վարժարանին ճաշարանը, ուր իրաքանչիւր երեխայ ստացաւ իր նույն ծրարը, որուն մէջ կար նաև դաստիարակներու կողմէ բժախնդրօրէն պատրաստուած շատ գեղեցիկ ձեռային աշխատանք պնակ մը, իբր պատկեր ունենալով Յիսուսի Ծնունդն ու անոր խորհրդանշող շարականը:

Շուրջ երկու ժամ տեսող այս ուրախութիւնը վերջ գտաւ Աերկաներու ողջագուրումներով ու բարեմաղթութիւններու փոխանակումով:

Իբրեւ ծնողք, կը մնայ շատ բարձր գնահատել Կիրակնօրեայ դպրոցի յարկէն ներս տարուած Աստուածահանոյ բոլոր աշխատանքները, շնորհաւորել տնօրէնութեան ու անձնակազմին աննկուն կամքն ու կրոնվը ու վերջապէս իրաքանչիւրին մաղթել ամենէն ազնիւը, ամենէն բարին ու ամենէն վսեմը:

Սիրելի ծնողք,


Երբ այս վերջին տողերս վերապահեմ ինձ համար, մեղանշած պիտի ըլլամ: Հոս կ'ուզեմ բարձրաձայն կարդաք անպայման:

Խնդրեմ, ձեր նախապատութիւններու ամենէն վերը դասէք ձեր զաւակներուն հետ իրաքանչիւր հանգրուանը ապրելու ցանկութիւնը: Իրաքանչիւր պահ կամ վայրկեան անկրկնելի է ու յատուկ: Բացառութիւններ միշտ յարգելի են, բայց եթէ կարելիութիւնը ստեղծէիք ու ներկայ գտնուէիք այս օրուան հանդիսութեան, հաւատացէք որ ձեր զաւակներուն ուրախութիւնը պիտի կրկնապատկուէր ու հանդէսը պիտի ստանար յաւելեալ փայլք:



ԲՈԼՈՐ ԱՇԽԱՏՈՂՆԵՐՈՒՆ
ՎԱՐՉՔԸ ԿԱՏԱՐ ՈՒ ԶԵՌՔԵՐԸ ԴԱԼԱՐ:

Ծնունդի գիշեր



Այս աստեղավառ Ծնունդին գիշեր
Ասմպերէն ծաղիկ թափեր կը ձիւնէ,
Ինչպէս նշենին հովէն տարութեր
Արփագոյն՝ լոյսէ աստղեր կը ձիւնէ:
Իմ մանուկ հոգիս, իմ հոգին դեռ կոյս,
Որ, ի՞նչ ջերմեռանդ խանդով զզմալլուն՝
Կաթոգին խնդրեց քեզմէ, ո՞վ Յիսուս,
Որ աստղ մ'ինձ դրկես երկինքէդ փայլուն:

Այն խորհրդաւոր Ծնունդին գիշեր,
Ծաճանչի մը մէջ տեսայ եւ Աստուած,
Սիրտը արիւնած, ճակատը փուշեր,
Թշուառ մարդկութեան երազին զոհուած,
Ծաղկատի հոգիս, հոգիս խանդավառ
Խնդրեց որ կեանքով օծես, ո՞վ Յիսուս,
Դուն որ մեր անհուն պատրանքը տեսար
Պակի սկիհը իմ երազներուս:

Հիմա ծնունդի գիշեր է խաւար
Ու բեթղէիմի աստղին տեղ արծաթ՝
Հորիզոնին մէջ կը շարժին երկար
Ծով անլուսութեան կուռ ամպեր երկաթ։
Բայց միշտ ջերմեռանդ՝ այլ հիւծուած
հոգիս,
Կու գայ պաղատիլ քեզի, ո՞վ Յիսուս,
Զի շիշան աստղեր, երազներ կեանքիս,
Դուն ցողէ ինծի նոր հաւատք, նոր լոյս։

Սիսիլ
Գրական Ցոլքեր
Վենետիկ, 1955

Նոր Տարի

Նոր տարի, աւետաբեր նոր յոյսերու, նոր
ակնկալութիւններու։

Նոր տարի, հրաւէր վերանորոգուելու։

Նոր տարի, յուշարար ինքզինք քննելու,
ինքզինք ճանշնալու։

Նոր տարի, խորհրդատուի սխալները
ընդունելու, ճիշդը ճանշնալու, ճշմարիտին
գինուորագրուելու։

Նոր տարի, կոչ նոր յանձնառութիւններու։
Կոչի կեանքը ծրագրուած հունաւորելու։


Կոչի կամքը լարելու եւ հաստատ քայլերով
դէպի յառաջ երթալու։

Նոր տարի, պատգամաբեր իմաստանալու,
«Ես»-ը զսպելու, «մենք»-ը զօրացնելու,
ազգը առողջացելու եւ հայրենիքը
հզօրացնելու։

Նոր տարի, ինչե՞ր, ինչե՞ր չի թելադրեր
մեր բոլորին. մեր պատուական, մեր
դարաւոր, մեր փառաւոր ժողովուրդին.
բազում անհամար նոր տարիներու՝ բազում,
անհամար մաղթանքները, յուսադրումներն
ու հիասթափութիւնները իր շալակին տանող
արմենական ցեղի զաւակներու։

Յուսոյ աստղը կը պլալայ հորիզոնին վրայ։
Ու մենք ի՞նչ փոյթ, թէ հազար անգամ
խաբուած, հազար անգամ ինկած ու ելած,
նոր փշոտ, տատասկներով լի ճանապարհին
վրայ մանուկ մը մեր արտին մէջ, կը քալենք
դէպի աղբիւրը լոյսին, դէպի աղբիւրը
յոյսին։

Աստուածաշունչը մանուկներու համար Յիսուս եւ Զակքէոս



Օր մը Յիսուս Երիքով անունով քաղաք մը հասաւ:

Զակքէոս անունով հարուստ մարդ մը կար հոն որ մաքսապետ էր եւ կ'ուզէր տեսնել թէ ո՞վ է Յիսուսը, բայց չէր կրնար որովհետեւ կարճահասակ էր:

Ան վազեց եւ ծառի մը վրայ ելաւ որպէսզի լաւ տեսնէ:



Երբ Յիսուս հասաւ այդ տեղը, վեր նայեցաւ եւ ըստ.-

«Զակրէս, աճապարէ, վար իշիր, որովհետեւ այսօր պէտք է որ տունդ գիշերեմ»:

Անմիջապէս Զակրէս վար իշաւ եւ ուրախութեամբ ընդունեց Յիսուսը:


Այս տեսնելով մարդիկ ըսին.-

«Յիսուս մեղաւոր գողի մը տունը կ'երթալ»

Զակը և Յիսուսի ըսաւ.-

«Ունեցածիս կէսը աղքատներուն պիտի տամ եւ եթէ մէկէն գողցած եմ, անոր չորս անգամը պիտի վերադառնեմ»:

Յիսուս ըսաւ.- «Այսօր այս տունը փրկուեցաւ քանի որ մարդ յախտենական կորսուած չէ. Աստուծոյ որդին եկաւ կորսուածը փնտոելու եւ փրկելու»:



Այս պատմութիւնը կ'ըսէ որ Յիսուս միշտ պատրաստ է մեր տուները, այսինքն մեր սիրտերուն մէջ գալու, եթէ մենք ուզենք զինք ընդունիլ:

Երբ մենք զինք ճանշնանք եւ զինք ընդունինք, ան մեզի մեր վախերէն եւ տիրութիւններէն կը ձերբազատէ:

Ի՞նչ կը նշանակէ
մաքսապետ



Անձ մըն է որ
մարդոցմէ տուրք կը
հաւագէ: Ան չէ
սիրուած եւ անոր
մասին գող կ'ըսեն:

Ինչո՞ւ Յիսուս ուզեց
Զակքեոսի տունը
երթալ:



Որովհետեւ տեսաւ որ
Զակքեոս կը վազէր եւ
կ'ուզէր անպայման զինք
տեսնել:

Ինչո՞ւ Զակքեոս այդպէս
պատասխանեց Յիսուսին:



Որովհետեւ մարդ չէր
սիրեր զինք եւ երբ
Յիսուս իր ընկերը եղաւ,
ան առատաձեռն
դարձաւ:

Եզակի գիրեր

Հայերէն գիրերով Sudoku

| | | | | | | | | |
|---|---|---|---|---|---|---|---|---|
| թ | բ | ը | գ | է | ե | դ | զ | ա |
| դ | ա | ե | զ | բ | թ | գ | ը | ե |
| զ | ե | գ | ա | ը | դ | է | թ | բ |
| գ | թ | ե | ը | զ | բ | ա | դ | է |
| բ | ը | դ | է | թ | ա | ե | զ | գ |
| է | զ | ա | ե | դ | գ | թ | բ | ը |
| ը | դ | թ | բ | ե | է | զ | ա | գ |
| ե | գ | բ | դ | ա | զ | ը | է | թ |
| ա | է | զ | թ | գ | ը | բ | ե | դ |

Նախորդ «Եզակի գիրեր» ուն
լուծումը

| | | | | | | | | |
|---|---|---|---|---|---|---|---|---|
| | | թ | | | դ | զ | ը | |
| ե | ը | | բ | | | է | | |
| ա | | | թ | ե | | | դ | |
| բ | զ | գ | ե | ը | | | | |
| | դ | | | | | | ա | |
| | | | | | է | բ | զ | զ |
| | գ | | | զ | թ | | | է |
| | | ը | | է | | ե | | դ |
| | թ | բ | ա | | | զ | | |

Ամբողջացուր քառակուսիները գործածելով ա, բ, զ, դ, ե, գ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ո՞ր է ճիշդ պատասխանը Դեկտեմբեր ամսուան պատասխանները

Մանկապարտէզի անկիւն
Հովիներ, հրեշտակը, աւետիս, փրկիչը,
օծեալ, խանձարուրով, խաղաղութիւն,
հաճութիւն

Նախակրթարան Ա. Բ. Գ. անկիւն

1. դ. Ս. Ցակոր Մծբնայ Հայրապետ

2. ա. Դեկտեմբեր 25

3. Սողոս

4. դ. Վրանագործ Էր

5. գ. Դամասկոս

6. Ծովութիւն

7. Թադէոս, Բարթողիմէոս

8. ա. Սաղմոսներու Գիրքը

9. ա. Սաղմոսներու

10. բոլորին օգնողը

Նախակրթարան Դ. Ե. Զ. անկիւն

1. բ. Ս. Ստեփանոս նախավկայ

2. ա. Ս. Ցակոր Մծբնայ Հայրապետ

3. բ. Ոչ

4. դ. Առաքեալներուն Գործերը

5. գ. Ապաշխարութիւն

6. գ. Ապաշխարութիւն
7. Ս. Թադէոս Առաքեալ
8. Նաթանայէլ
9. գ. Սաղմոս 117 անենէն կարճը, դ.

Սաղմոս 119 անենէն երկարը

10. բ. Արագածոտնի մարզ

Երկրորդականի անկիւն

1. բ. Ս. Ստեփանոս
2. բ. Իրան
3. ա., բ., գ., եւ դ. «բոլորը»
4. Ա. Տիմոթէոս, Բ. Տիմոթէոս, Տիտոս, փիլիմոն
5. մեղք
6. Ապաշխարել
7. Ապաշխարութիւն
8. Ժ, ՃԺԸ, ՃԸ
9. Ցիսուս Քրիստոսի, Աստուծոյ
10. Սամուէլ

Ո՞րն է ճիշդ պատասխանը Դեկտեմբեր ամսուան մասնակցողները

Սուրբ Յակոբ Կիրակօնօրեալ Դպրոց

Մանկապարտէզ

Սեւակ Թեհինեան, Տանիէլ Տօնապետեան,
Լորա Տօնապետեան, Լիլի Չինչինեան,
Ալիս Մելեքեան, Սահակ Մելեքեան,
Քրիստինա Ակրեան, Յակոբ Քեպթանճեան,
Անդրամիկ Նասոյեան, Աննա Թիւթիւնճեան
Անսխալ պատասխանողներ
Ցոլեր Անթեպեան, Սելենա Կարապետեան,
Նախակրթարան Ա.Բ. Գ. անկիւն
Փաթիլ Կարապետեան, Քրիստոֆըր
Արմութլու, Նշան Կիրակոսեան, Սեւակ
Դաւիթեան, Շօնաթան Զարֆանեան, Ալիք
Գապաքեան, Դանիէլ Ակրեան, Միեր
Պանքեան, Կլօրիա Կարապետեան,
Թաթիանա Քեհինայեան, Խշխշեան Արշակ,
Խշխշեան Ռիթա, Շեսիքա Մաթոսեան,
Կրէս Նարեկեան, Կարինէ Կարապետեան,
Արազ Քէպթանճեան, Ռիթա Մամիրոյեան,
Սերժ Դաւիթեան, Նանար Եագուպեան,
Հրակ Քիւփելեան, Քարինա Քիւփելեան:
Անսխալ պատասխանողներ
Սեւակ Պապիկեան, Արին Անթեպեան:

Նախակրթարան Դ.Ե.Զ. անկիւն

Գէորգ Պուիքեան, Զոհրապ Կարապետեան,
Ալեք Կարապետեան, Միեր Մաթոսեան,
Սեւան Մելեքեան, Քրիստոֆըր Նազարեան,
Թամար Թիւթիւնճեան, Նանոր Քիւփելեան,
Ռոզալին Չինչինեան, Հրայր Մաթոսեան,
Ներսէս Նասոյեան, Մարիա Դանիէլեան
Անսխալ պատասխանողներ
Առէն Պապիկեան, Դալար Գիւպթանճեան,
Շէք Զարֆանեան, Լորի Չինչինեան,
Կասիա Արմութլու

Երկրորդականի անկիւն

Ցովիկ Կարապետեան, Թամար Պուիքեան,
Քրիստին Կարապետեան, Գօգօ
Մաթոսեան, Անի Մելեքեան, Արի
Միրզայեան, Լորա Սարիմանուկեան,
Սեդրակ Մամիրոյեան, Արման Նարեկեան

Սուրբ Յակոբ Ազգային Վարժարան
Վարդգէս Եւ Աստոիկ Սարաֆեան
Նախակրթարանի Ե. դասարանի
աշակերտներ
Մասնակցողներ
Դաւիթ Աթոլիկեան
Սեւակ Թաշճեան
Գրիգոր Պալապանեան
Տիրան Ամիկեան
Արի Վարժապետեան
Շակալ Թորոսեան
Ճործ Գալլողեան
Սարին Պէզճեան
Թալի Բակլայեան
Սերոբ Թաշճեան
Անուշ Ներսէսեան
Արեգ Համբարձումեան
Նելլի Օհաննէսեան
Ժագ-Սիօն Գասպարեան
Ջրիս Չաքըճեան
Գարին Մարգարեան
Ցովսէփ Կիւկեան
Դուկին Տօնապետեան
Էրիք Գասարճեան
Դալար Գիւպթանճեան
Արդահամ Թանուսեան
Ալիք Կարապետեան
Անդրանիկ Պաղտասարեան
Ճեսիֆըր Եռևաննէսան
Լորեն Մանուկեան
Մելինէ Կիւկիւմեան
Գարովին Գորգեճեան
Րաֆֆի Կէտիկեան
Էտի Տէտէյեան
Ալին Տէրտերեան
Գօգօ Ճանսըզեան
Փաթիր Պազարպաշեան
Զօհրապ Շահիննէսան
Ոիթա Գասբարեան
Մարինա Սաղրեան
Ժագ Զարֆանճեան
Արօ Պզտիկեան
Նարէ Մարկոսեան
Ներսէս Նասոյեան
Սեւակ Փաշայեան

**Ո՞րն է ճիշդ պատասխանը
Մանկապարտէզի անկիւն**



**Ամբողջացո՞ւր լստ Մատթէոսի Աւետարանին 2.9-12
հրահանգը, աստղը, առաջնորդեց, երկրպագեցին,
ոսկի, կնդրուկ, զմուռս, երազի**

Թագաւորին այս ----- լսելէ ետք, մոգերը
մեկնեցան: Անոնք չափազանց ուրախացան, երբ կրկին տեսան
այն -----, որ արեւելքի մէջ տեսեր էին. Եւ ահա աստղը
-----զիրենք մինչեւ որ եկաւ ու կեցաւ այն վայրին վրայ
ուր երեխան կը գտնուէր: Երբ տուն մտան, տեսան երեխան իր
մօրը՝ Մարիամին հետ, եւ մինչեւ գետին խոնարհելով
----- մանուկին: Ապա բացին իրենց արկղերը եւ
Յիսուսի ընծայեցին իրենց նուերները՝ -----,
----- եւ -----:

Յետոյ ուրիշ ճամբով գացին իրենց երկիրը, առանց
Հերովդէսի հանդիպելու, ինչպէս որ Աստուած ----- մը մէջ
հրահանգեց իրենց:

Ո՞րն է ճիշդ պատասխանը
Նախակրթարան Ա. Բ. եւ Գ. Դասարաններու անկիւն

1.- Ո՞ր օրը կը տօնենք Յիսուս

Մանուկին տարեդարձը:

- ա.- 25 Դեկտեմբեր
- բ.- 31 Դեկտեմբեր
- գ.- 1 Յունուար
- դ.- 6 Յունուար

2.- Ո՞ր օրը կը տօնենք Յիսուս

Մանուկին մկրտութիւնը:

- ա.- 25 Դեկտեմբեր
- բ.- 31 Դեկտեմբեր
- գ.- 1 Յունուար
- դ.- 6 Յունուար

3.- Յիսուս քանի՞ տարեկան էր երբ մկրտուեցաւ:

- ա.- 1 տարեկան
- բ.- 2 տարեկան
- գ.- 12 տարեկան
- դ.- 30 տարեկան

4.- Դուն Ե՞րբ մկրտուեցար «Մամային կամ Պապային հարցուր»:

 Տարի Ամիս Օր

5.- Յիսուս ինչո՞վ մկրտուեցաւ:

- ա.- Զեթ
- բ.- Զուր
- գ.- Միւռոն
- դ.- Իւղ

6.- Զրօրինէքը տեղի կ'ունենայ Յիսուսի մկրտութեան օրը: Ե՞րբ տեղի կ'ունենայ Զրօրինէքը:

- ա.- 5 Յունուարին
- բ.- 6 Յունուարին Պատարագէն ետք
- գ.- 6 Յունուարին Պատարագէն առաջ
- դ.- 7 Յունուարին

7.- Ս. Ծնունդի ճրագալոյցը տեղի կ'ունենայ Սուրբ Ծնունդին խթման գիշերը: Ե՞րբ տեղի կունենայ Ս.

Ծնունդի ճրագալոյցը:

- ա.- 5 Յունուարին
- բ.- 6 Յունուարին Պատարագէն ետք
- գ.- 6 Յունուարին Պատարագէն առաջ
- դ.- 7 Յունուարին

8.- Յունուարի ո՞ր օրը եկեղեցիին մէջ մոմ կը բաժնեն, կը վառենք եւ վառած մոմերով տուն կը վերադառնանք:

Յունուար -- ին:

9.- Զակրէոս ինչո՞ւ ստիպուեցաւ ծառի մը վրայ ելլել որպէսզի Յիսուսը տեսնէ:

Որովհետեւ կ-----կ էր:

10.- Հաղորդութիւնը կը բաղկանայ հետեւեալներէն:

Անապակ Գ--- եւ Ն---- «որ ջուր եւ ալիւր խառնելով կ'ունենանք:

Ո՞րն է ճիշդ պատասխանը
Նախակրթարան Դ. Ե. Ե. Զ. Դասարաններու անկիւն

- | | |
|--|--|
| 1.- Ի՞նչ է Յովհաննէս Մկրտիչի հօր անունը: | ա.- 4 բ.- 6 գ.- 10 դ.- 3 |
| 2.- Ե՞րբ է Սուրբ Ծննդեան խթման օրը: | 7.- Ո՞ր Սուրբ Խորհուրդի կատարումը նախապայման է իրաքանչիւր անգամ Սուրբ Հաղորդութիւն ստանալու: |
| ա.- 25 Դեկտեմբեր բ.- 31 Դեկտեմբեր գ.- 5 Յունուար դ.- 7 Յունուար | ա.- Մկրտութիւն բ.- Դրոշմ գ.- Ապաշխարութիւն դ.- Սուրբ Հաղորդութիւն ստանալու նախապայման չկայ: |
| 3.- Ե՞րբ կը տօնենք Յիսուսի Աստուածայալտնութիւնը: | 8.- Իր մկրտութենէն անմիջապէս ետք Յիսուս ի՞նչ ըրաւ: |
| ա.- 25 Դեկտեմբեր բ.- 31 Դեկտեմբեր գ.- 5 Յունուար դ.- 6 Յունուար | ա.- Տուն վերադարձաւ բ.- Եգիպտոս գնաց գ.- Անապատ առաջնորդուեցաւ եւ 40 օր ծոմ պահեց դ.- Ընտրեց իր աշակերտները: |
| 4.- Ո՞ր բարեմաղթութեան կրնանք պատասխանել ըսելով՝ Օրինեալ է յայտնութիւնը Քրիստոսի Ք----- ----- ----- | 9.- Յիսուս ո՞ր գետին մէջ մկրտուեցաւ: |
| 5.- Քրիստոս Ե՞րբ հաստատեց Սուրբ Հաղորդութեան խորհուրդը: | ա.- Արաք բ.- Եփրատ գ.- Տիգրիս դ.- Յորդանան |
| ա.- Ծաղկազարդին բ.- Վերջին ընթրիքին՝ Հինգշաբթի գ.- Վերջին ընթրիքին՝ Ուրբաթ դ.- Համբարձումին | 10.- Քահանան Սուրբ Հաղորդութիւնը ո՞ր եկեղեցական սպասին մէջ կը պատրաստէ: |
| 6.- Հայկական նշխարը մօտաւորապէս քանի՛ սանդիմեթք տրամագիծ ունի: | -----: |

Ո՞րն է ճիշդ պատասխանը Երկրորդականի անկիւն

**1.- Ս. Հաղորդութեան Խորհուրդին
արարողութիւնը կը կոչուի Սուրբ**

Պատարագ: Ի՞նչ կը նշանակէ Պատարագ:
ա.- զոհ, նույր, ընծայ
բ.- երգ, շարական
գ.- քարոզ
դ.- խոստովանութիւն

**2.- Հին Ուխտը դաշինք մըն էր Աստուծոյ
եւ իսրայէլի ազգին միջեւ:** Հին Ուխտի
շրջանին իրենց մեղքերուն քաւութեան
համար մարդիկ ի՞նչ կը նուիրէին Աստուծոյ:
ա.- մաքուր կենդանիներ
բ.- անուշահոտ խունկ
գ.- երկրի բերքէն զանազան ընծաներ
դ.- ա, բ, եւ գ

**3.- Ներկայիս կ'ապրինք Նոր Ուխտի
շրջանին մէջ:** Հետեւեալներէն որո՞նք
շիտակ հաստատումներ են:
ա.- Նոր Ուխտը դաշինք մըն է Աստուծոյ եւ
համայն աշխարհի մարդոց հետ:
բ.- Նոր Ուխտի միջնորդը եղաւ մեր Տէրը
Յիսուս Քրիստոս:
գ.- Նոր Ուխտին հաստատումով դադրեցաւ
կենդանիներու զոհագործութիւնը,
որովհետեւ Քրիստոս խաշին վրայ իր սուրբ
արիւնը թափելով զոհուեցաւ ու նուիրուեցաւ
հօր Աստուծոյ մեր մեղքերուն քաւութեան
համար:

դ.- ա, բ, եւ գ

**4.- Որո՞նք կրնան պատարագ
մատուցանել:**

ա.- Քահանայական պաշտօն ունեցող
եկեղեցականներ:
բ.- Սարկաւագներ
գ.- Դափիրներ
դ.- Ունէ հաւատացեալ

**5.- Պատարագի ընթացքին ի՞նչ է
սարկաւագին պաշտօնը:**

ա.- սպասաւորել Սուրբ պատարագի
սեղանին
բ.- Աւետարան կարդալ
գ.- Խնկարկել
դ.- ա, բ եւ գ

**6.- Սուրբ Վահան Գողթնացի ո՞ւր
տարագրուեցաւ երբ տակալին 4 տարեկան
էր:**

**7.- Ո՞ր հայ կաթողիկոսը Օմար
ամիրապետէն որ հայ տարագիր իշխանները
վերադառնան հայրենիք:**

**8.- Ո՞ր լերան ստորոտը կը գտնուէր
Երաշխաւրաց Վանքը:**

**9.- Ո՞ր աւետարանին մէջ կը կարդանք
Յիսուսի Զակրէոսի հետ հանդիպումին
մասին:**

**10.- Ամբողջացո՞ւր Ս. Ծննդեան
շարականը:**

Խորհուրդ ----- եւ -----
որ յայսմ ----- յայտնեցաւ
Հովհիք երգեն -----
տան ----- աշխարհի

Անբաւելին ----- եւ -----
ի ----- պատեցաւ
ոչ մեկնելով ի -----
ի սուրբ ----- բազմեցաւ:

Կարճ լուրեր Կիրակնօրեայէն

. Մեր Կիրակնօրեայ Դպրոցի աշակերտներէն խոմք մը, 17 Դետկեմբեր 2006 ին Սուրբ Յակոբի Անուանակոչութեան Տօնին առիթով Եկեղեցւոյ Հոգաբարձութեան եւ Տիկնանց Օժանդակ Մարմնին կողմէ կազմակերպուած աւանդական ճաշկերոյթին ընթացքին ներկայացուց գեղարուեստական յալտագիր մը:

. Դեկտեմբեր 26, 2006 ին Տնօրէնը, ուսուցիչներէն, աշակերտներէն եւ ծնողներէն խոմք մը միասնաբար դիտեցին “The Nativity Story” Ֆիլմը:

. Ծնորհակալութիւն Մոնթրէալի ՀՕՄ-ի Սուէ մասնաճիւղին որ Նոր Տարուան եւ Սուրբ Շնունդին առիթով \$200 նուրբեց Կիրակնօրեայ Դպրոցին:

«ՄԱՇՏՈՑԻ ԱՐՁԱԳԱՆԳ»ի

Եերկայ եւ նախկին թիւերը կը գտնուին նաեւ համացանցի վրայ: Այցելեցէ՛ք www.sourphagop.org հասցէն եւ ընտրեցէ՛ք Պարբերաթերթ բաժանումը:

Կազմակերպութեամբ՝ Ս. Յակոբ Եկեղեցւոյ Գործադիր Մարմնի

ՄԻԶ-ԵԿԵՂԵՑԱԿԱՆ ՀՈԳԵՒՈՐ ՀԱՄԵՐԳ

Ս. Յակոբ Առաջնորդանիստ Մայր Եկեղեցւոյ մէջ:

Չաբաթ, 27 Յունուար 2007-ի Երեկոյեան Ժամը 7:30 ին

Կը մասնակցին Դպրաց Դասերը՝ Յոյն Ուղղափառ Միքացէլ եւ Գարբիէլ Հրեշտակապետաց Եկեղեցւոյ, Transfiguration of our Lord Հռոմէական Կաթոլիկ Եկեղեցւոյ «Beat Attitudes Team», Ս. Յակոբ Առորի Ուղղափառ Եկեղեցւոյ, Էրիթրէական Ուղղափառ Եկեղեցւոյ, մեր Սուրբ Յակոբ Եկեղեցւոյ, Այլեւ՝ Հայ Եկեղեցական Երաժշտութեան Հնգեակը: **ՄՈՒՏՔԲԸ ԱԶԱՏ**

ՏԵԱՌՆԸՆԴԱՌԱՋ

**Զորեքշաբթի, 14
Փետրուար 2007**

**Երեկոյեան
Ժամերգութիւն
Ժամը 7:30 ին**

**www.sourphagop.org ի 2006
տարուան հաշուեցոյցը**

| | |
|----------------------------|----------------|
| Այցելութիւններ | 66,537 |
| Եղակի Այցելու | 9,600 |
| Այցի Միջին տեսողութիւն | 1:45 |
| Երկիրներ | 105 |
| Քաղաքներ | 1,432 |
| Բացուած Գրութիւններ (.pdf) | 11,388 |
| Մաշտոցի Արձագանգ | 8,191 |
| Զարկեր | 297,026 |
| Դիտուած Էջեր | 98,650 |

Ամբողջական Հաշուեցոյցը կը գտնուի www.sourphagop.org ի վրայ: